



«30» մարտի 2023 թ.

ք. Վանաձոր

ՈՐՈՇՈՒՄ N 0523

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) հյուսիսային տարածքային կենտրոնի պետի պարտականությունները կատարող Անահիտ Զատիկյանս, ուսումնասիրելով.

- 1) ՀՀ առողջապահական և աշխատանքի տեսչական մարմնի ղեկավարի 2022 թվականի նոյեմբերի 04-ի N 22020108 վերստուգման հանձնարարագիրը,
- 2) 2023 թվականի մարտի 06-ի N 22020108 վերստուգման ակտը,
- 3) ՀՀ կառավարության 2020 թվականի ապրիլի 30-ի N 718-Ն որոշմամբ հաստատված «Հանքագործական արդյունաբերության և բացահանքերի շահագործման ընթացքում աշխատողների առողջության պահպանման և անվտանգության ապահովման բնագավառի վերահսկողության (ՏԳՏԴ ԾԱԾԿԱԳԻՐ՝ B 07, B 08.1 (բացառությամբ 08.12), B 09.9)» ստուգաթերթ N 4.1-ում ընդգրկված հարցերի 2022 թվականի մայիսի 05 թիվ 22020108 հանձնարարականով (կարգադրագրով) (այսուհետ՝ Կարգադրագիր) նշված հարցերի պատասխանները,
- 4) 2023 թվականի մարտի 23-ի վարչական իրավախախտումների վերաբերյալ թիվ 0517 արձանագրությունը,
- 5) վարչական իրավախախտման վերաբերյալ գործի քննությանը մասնակցելու վերաբերյալ 2023 թվականի մարտի 23-ի թիվ 17/5883-2023 ծանուցագիրը:

Պարզեցի

1. Նկարագրական մաս

Հիմք ընդունելով «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2-րդ հոդվածի 1-ին մասը, 3-րդ հոդվածի 2-րդ մասը, ՀՀ Տավուշի մարզ, համայնք Նոյեմբերյան, բնակավայր Այրում, Պահածոյագործների 4/1 և ՀՀ քաղաք Երևան, Վազգեն Սարգսյան փողոց, 10 շենք, 105 սենյակ հասցեներում գործող «ՋԵՈՒԻՏ ՊՐՈ» փակ բաժնետիրական ընկերությունում (այսուհետ նաև՝ Ընկերություն) (պետական գրանցման համարը՝ 81.120.831297, ՀՎՀՀ՝ 07617483) ՀՀ առողջապահական և աշխատանքի տեսչական մարմնի ղեկավարի 2022 թվականի նոյեմբերի 04-ի N 22020108 վերստուգման հանձնարարագրի հիման վրա, 2023 թվականի հունվարի 10-ից. մինչև 2023 թվականի հունվարի 30-ը ներառյալ ՀՀ կառավարության 2020 թվականի ապրիլի 30-ի N 718-Ն որոշմամբ հաստատված «Հանքագործական արդյունաբերության և բացահանքերի շահագործման ընթացքում աշխատողների առողջության պահպանման և անվտանգության ապահովման բնագավառի վերահսկողության (ՏԳՏԴ ԾԱԾԿԱԳԻՐ՝ B 07, B 08.1 (բացառությամբ 08.12), B 09.9)» ստուգաթերթ N 4.1-ում ընդգրկված հարցերի 2022 թվականի մայիսի 05-ի թիվ 22020108 հանձնարարականով (կարգադրագրով) նշված հարցերի թեմատիկ վերստուգում:

Վերստուգման արդյունքում պարզվել է, որ. 2022 թվականի մայիսի 05-ի թիվ 22020108 հանձնարարականով (կարգադրագրով) տրված առաջադրանքները կատարվել են մասամբ՝

1. չեն կատարվել Կարգադրագրի 1-ին կետի 2-րդ ենթակետի պահանջները, այն է՝ հարստացման ֆաբրիկայի (այսուհետ՝ Ֆաբրիկա) ժապավենային փոխակրիչների կայանքները չեն ապահովվել պաշտպանիչ սարքավորումներով՝ փոխակրիչների տակով մարդկանց անցման տեղերում (ստուգաթերթի 2-րդ կետի 30-րդ ենթակետի է. մաս),

2. չեն կատարվել Կարգադրագրի 1-ին կետի 3-րդ ենթակետի պահանջները, այն է՝ Ընկերությունում չկա հաստատված ժամանակացույց Ֆաբրիկայի արտադրամասում սարքավորումների պրոֆիլակտիկ զննումներ իրականացնելու համար (ստուգաթերթի 2-րդ կետի 31-րդ ենթակետ),



3. չեն կատարվել Կարգադրագրի 1-ին կետի 4-րդ ենթակետի պահանջները, այն է՝ Ֆաբրիկայի տարածքում օդի մեջ փոշու քանակը որոշելու համար չի կատարվում օդի նմուշառում առնվազն յուրաքանչյուր եռամսյակը մեկ անգամ (ստուգաթերթի 8-րդ կետի 16-րդ ենթակետ),

4. չեն կատարվել Կարգադրագրի 1-ին կետի 6-րդ ենթակետի պահանջները, այն է՝ Ֆաբրիկայի էլեկտրատեղակայանքների սպասարկման աշխատանքների անվտանգ կատարման համար աշխատողները չեն ապահովվել պաշտպանիչ միջոցներով՝ դիէլեկտրիկ ձեռնոցներով, դիէլեկտրիկ կոշիկներով, մեկուսիչ գորգերով, պաշտպանիչ ակնոցներով (ստուգաթերթի 13-րդ կետի 29-րդ ենթակետ),

5. չեն կատարվել Կարգադրագրի 1-ին կետի 7-րդ ենթակետի պահանջները, այն է՝ Ընկերությունում օգտագործումից առաջ չեն ստուգվում պաշտպանիչ միջոցների սարքինությունը, արտաքին վնասվածքների բացակայությունը, պիտանիության ժամկետը (ստուգաթերթի 13-րդ կետի 30-րդ ենթակետ),

6. չեն կատարվել Կարգադրագրի 1-ին կետի 8-րդ ենթակետի պահանջները, այն է՝ էլեկտրակայանքների սպասարկման համար կիրառվող պաշտպանիչ միջոցները չեն ենթարկվում պարբերաբար էլեկտրական փորձարկումների (ստուգաթերթի 13-րդ կետի 31-րդ ենթակետ),

7. չեն կատարվել Կարգադրագրի 1-ին կետի 12-րդ ենթակետի պահանջները, այն է՝ Ընկերությունում չեն ապահովվել աշխատողների պարտադիր բժշկական զննության անցկացման պահանջները (ստուգաթերթի 23-րդ կետ),

8. չեն կատարվել Կարգադրագրի 1-ին կետի 13-րդ ենթակետի պահանջները, այն է՝ Ընկերությունում չկա հաստատված հնարավոր վթարների նախազգուշացման և դրանց հետևանքների վերացման գործողությունների պլաններ (ստուգաթերթի 26-րդ կետի 4-րդ ենթակետ):

Հիմք ընդունելով Վարչական իրավախախտումների վերաբերյալ ՀՀ օրենսգրքի 255-րդ հոդվածը, 2023 թվականի մարտի 23-ին կազմվել է թիվ 0517 վարչական իրավախախտումների վերաբերյալ արձանագրությունը, որը վարչական իրավախախտումների վերաբերյալ գործի քննության թիվ 17/5883-2023 ծանուցագրի հետ միասին 2023 թվականի մարտի 24-ին առձեռն ստորագրությամբ հանձնվել է



«ՀԵՈԼԻՏ ՊՐՈ» փակ բաժնետիրական ընկերության տնօրեն Անատոլի Բայրամյանին:

2. Պատճառաբանական մաս

Վարչական մարմինը հաստատված է համարում, որ.

1. չեն կատարվել Կարգադրագրի 1-ին կետի 2-րդ ենթակետի պահանջները, այն է՝ հարստացման ֆաբրիկայի (այսուհետ՝ Ֆաբրիկա) ժապավենային փոխակրիչների կայանքները չեն ապահովվել պաշտպանիչ սարքավորումներով՝ փոխակրիչների տակով մարդկանց անցման տեղերում (ստուգաթերթի 2-րդ կետի 30-րդ ենթակետի է. մաս),

2. չեն կատարվել Կարգադրագրի 1-ին կետի 3-րդ ենթակետի պահանջները, այն է՝ Ընկերությունում չկա հաստատված ժամանակացույց Ֆաբրիկայի արտադրամասում սարքավորումների պրոֆիլակտիկ զննումներ իրականացնելու համար (ստուգաթերթի 2-րդ կետի 31-րդ ենթակետ),

3. չեն կատարվել Կարգադրագրի 1-ին կետի 4-րդ ենթակետի պահանջները, այն է՝ Ֆաբրիկայի տարածքում օդի մեջ փոշու քանակը որոշելու համար չի կատարվում օդի նմուշառում առնվազն յուրաքանչյուր եռամսյակը մեկ անգամ (ստուգաթերթի 8-րդ կետի 16-րդ ենթակետ),

4. չեն կատարվել Կարգադրագրի 1-ին կետի 6-րդ ենթակետի պահանջները, այն է՝ Ֆաբրիկայի էլեկտրատեղակայանքների սպասարկման աշխատանքների անվտանգ կատարման համար աշխատողները չեն ապահովվել պաշտպանիչ միջոցներով՝ դիէլեկտրիկ ձեռնոցներով, դիէլեկտրիկ կոշիկներով, մեկուսիչ գորգերով, պաշտպանիչ ակնոցներով (ստուգաթերթի 13-րդ կետի 29-րդ ենթակետ),

5. չեն կատարվել Կարգադրագրի 1-ին կետի 7-րդ ենթակետի պահանջները, այն է՝ Ընկերությունում օգտագործումից առաջ չեն ստուգվում պաշտպանիչ միջոցների սարքինությունը, արտաքին վնասվածքների բացակայությունը, պիտանիության ժամկետը (ստուգաթերթի 13-րդ կետի 30-րդ ենթակետ),

6. չեն կատարվել Կարգադրագրի 1-ին կետի 8-րդ ենթակետի պահանջները, այն է՝ էլեկտրական ջրերի սպասարկման համար կիրառվող պաշտպանիչ միջոցները չեն ենթարկվում պարբերաբար էլեկտրական փորձարկումների (ստուգաթերթի 13-րդ կետի 31-րդ ենթակետ),

7. չեն կատարվել Կարգադրագրի 1-ին կետի 12-րդ ենթակետի պահանջները, այն է՝ Ընկերությունում չեն ապահովել աշխատողների պարտադիր բժշկական զննության անցկացման պահանջները (ստուգաթերթի 23-րդ կետ),

8. չեն կատարվել Կարգադրագրի 1-ին կետի 13-րդ ենթակետի պահանջները, այն է՝ Ընկերությունում չկա հաստատված հնարավոր վթարների նախազգուշացման և դրանց հետևանքների վերացման գործողությունների պլաններ (ստուգաթերթի 26-րդ կետի 4-րդ ենթակետ):

2023 թվականի մարտի 30-ին ՀՀ առողջապահական և աշխատանքի տեսչական մարմնի հյուսիսային տարածքային կենտրոնում տեղի է ունեցել վարչական իրավախախտումների վերաբերյալ գործի քննությունը, որն իրականացրել է Հյուսիսային տարածքային կենտրոնի պետի պարտականությունները կատարող Անահիտ Զատիկյանը: «ՋԵՈԼԻՏ ՊՐՈ» փակ բաժնետիրական ընկերության տնօրեն Անատոլի Բայրամյանը պատշաճ կերպով իրազեկվել է գործի քննության կայացման տեղի և ժամանակի մասին, միջնորդություն չի ներկայացրել գործի քննությունը հետաձգելու մասին և չի ներկայացրել գործի քննությանը:

Վարչական իրավախախտումների վերաբերյալ ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ Ընկերությունը չի կատարել Հայաստանի Հանրապետության առողջապահական և աշխատանքի տեսչական մարմնի հյուսիսային տարածքային կենտրոնի պետի 2022 թվականի մայիսի 05-ի թիվ

22020108 կարգադրագրով (հանձնարարականով) տրված առաջադրանքները, և դրանց չկատարման համար պատասխանատու է «ՀԵՈԼԻՏ ՊՐՈ» փակ բաժնետիրական ընկերության տնօրեն Անատոլի Բայրամյանը (<<, քաղաք Երևան, Արաբկիր, Զարյան 69):

Վերջինիս կողմից վարչական իրավախախտում կատարելու մեջ առկա չեն Վարչական իրավախախտումների վերաբերյալ ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող կամ ծանրացնող հանգամանքներ:

Վարչական իրավախախտումների վերաբերյալ ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ «ՀԵՈԼԻՏ ՊՐՈ» փակ բաժնետիրական ընկերության տնօրեն Անատոլի Բայրամյանի կողմից իրավախախտումը կատարվել է դիտավորությամբ:

Վարչական իրավախախտումների վերաբերյալ ՀՀ օրենսգրքի 10-րդ հոդվածի համաձայն՝ վարչական իրավախախտումը համարվում է դիտավորությամբ կատարված, եթե այն կատարող անձը գիտակցել է իր գործողության կամ անգործության հակաիրավական բնույթը, կանխատեսել է դրա վնասակար հետևանքները և ցանկացել դրանք, կամ գիտակցաբար թույլ է տվել այդ հետևանքների առաջացումը:

Վարչական իրավախախտումների վերաբերյալ ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված



կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ:

Անատոլի Բայրամյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես «ԶԵՈԼԻՏ ՊՐՈ» փակ բաժնետիրական ընկերության տնօրեն՝ պաշտոնատար անձ:

Վարչական իրավախախտումների վերաբերյալ ՀՀ օրենսգրքի 42.1-րդ հոդվածի առաջին մասի համաձայն՝ առողջապահության ոլորտում և աշխատանքային օրենսդրության նկատմամբ վերահսկողություն իրականացնող տեսչական մարմնի (այսուհետ՝ տեսչական մարմին) պաշտոնատար անձանց հանձնարարականները չկատարելը առաջացնում է տուգանքի նշանակում պաշտոնատար անձանց նկատմամբ՝ ութսունապատիկից մինչև հարյուրիսնապատիկի չափով:

3. Եզրափակիչ մաս

Ղեկավարվելով Վարչական իրավախախտումների վերաբերյալ ՀՀ օրենսգրքի 230-րդ, 279-րդ, 281-րդ, 283-րդ հոդվածներով և 282-րդ հոդվածի 1-ին մասով՝

Որոշեցի

1. Անատոլի Գրիգորի Բայրամյանին (նույնականացման քարտ 007238496 տրված 06.08.2015թ. 004-ի կողմից) որպես խախտում թույլ տված անձի՝ Վարչական իրավախախտումների վերաբերյալ ՀՀ օրենսգրքի 42.1-րդ հոդվածի 1-ին մասով ենթարկել վարչական տույժի՝ սահմանված նվազագույն աշխատավարձի ութսունապատիկի չափով՝ 80000 (ութսուն հազար) ՀՀ դրամ վարչական տուգանքի:

2. Սույն որոշումը ծանուցել «ԶԵՈԼԻՏ ՊՐՈ» փակ բաժնետիրական ընկերության տնօրեն Անատոլի Բայրամյանի (բնակության հասցեն՝ ՀՀ, քաղաք Երևան, Արաբկիր, Զարյան 69):

3. Սույն վարչական ակտն ուժի մեջ է մտնում վարչական ակտի հասցեատիրոջն իրազեկելուն հաջորդող օրվանից:

4. Սույն որոշումը ստանալու օրվանից 30 օրվա ընթացքում, կարող է բողոքարկվել ակտն ընդունած Տեսչական մարմին, կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:


5. Իրերի և փաստաթղթերի հարցը լուծվել է:

Շնորհակալություն համագործակցության համար,

ՀՅՈՒՍԻՍԱՅԻՆՏԱՐԱԾՔԱՅԻՆ

ԿԵՆՏՐՈՆԻ ՊԵՏԻ ՊԱՐՏԱԿԱՆ ՈՒԹՅՈՒՆՆԵՐԸ

ԿԱՏԱՐՈՂ՝



ԱՆԱՀԻՏ ԶԱՏԻԿՅԱՆ

2023 թվականի մարտի 30

Վանաձոր

Ինձ բացատրվել է, որ համաձայն Վարչական իրավախախտումների վերաբերյալ ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետությունից հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

*Մեկնադատ Բեքրաբյանից կարգապահ վարչական քայլ
նշանակելու և Բեքրաբյանից կարգապահ վարչական քայլ
նշանակելուց հետո անհապաղ փոխարկելու և ստանալու ծանուցման մասին
և Բեքրաբյանից կարգապահ վարչական քայլ
նշանակելուց հետո անհապաղ փոխարկելու և ստանալու ծանուցման մասին*

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՍԱՀՄԱՆԱԿԱՆ ԱԴՄԻՆԻՍՏՐԱԿԻՐԱԿԱՆ
ԿԵՆՏՐՈՆԻ ՊԵՏԻ ՊԱՐՏԱԿԱՆ ՈՒԹՅՈՒՆՆԵՐԸ

0047 22, ք. Երևան, Նորք-Մարաշ, Ա. Արմենիական 129

Հեռ. (374-10) 65-05-53 Էլ. փոստ՝ info@hlib.am

www.hlib.am

Թեժ գիծ՝ 8107